

Күч-көлснә шин даалгъвар Төрскән байрлулхин төлә

Каспийск загъсчирин авси шин даалгъвар

Шидр Каспийск района загъсчирин совещань болснд, КПСС-н райкомин н е г д г ч сеглăтр ўр Щибланов «Загъс анънлгъна, белдлгънă, эд-бод келгънă зурагъан болн социалистическ даалгъваран джилн тўрўн ѳрăлд кўдăснă ашин болн джилн хойрдгч ѳрăлд тăвгдсн тѳрмўдин тускар» доклад кев.

Ўр Щибланов эврăннь докладтан джилн тўрўн ѳрăлд загъсчир ик дилвр бърсинь темдглв. Оргър делгрўлдсн социалистическ дѳрлдăнă нилчър загъсчир 33 минъгън центнер загъс анънхдан, 55,1 минъгън центнер анъндж.

Эн дѳрлдăнд колхоз «Каспиец» тўрўн орм эзлăд. Ставропольск экономическ района совнархозин дамдждж ѳггдг Улан тугар ачлгдăд, 56250 арслнь мѳнъгър мѳрăлгдв.

Джилн тўрўн ѳрăлд йир шулгтагъар ставной шўўгўлин звенос гўджрдж кѳдлв. 43-с—42 звеноснь, ѳрăл джилă зурагъан давулад, 38 звеноснь джилă зурагъан кўдăв. «Каспиец» колхозин загъсч Аубекеровин звено ѳрăл джилн эргид, тавн джилă зура кўдăв.

Зура кўдăлгънд ставной шўўгўлин загъсчир нургьлдж гўджрхăс биш, реюшксин звенос эврăннь эв-аргъан йир татугъар олзлв. Ганцхн ўр Сангаджиевин бригад («Красный моряк» колхоз) джилн тўрўн ѳрăлд 110 процент кўдăв. Реюшечн 93 звеногъас—36, тенъгсин 56 бударкас—зуг хойрхнь зурагъан кўдăв.

Реюшксин колонна болн тенъгсин бударксин кѳдлмшин ашнь тату болдг. МРС-н болн колхозмудин гардачир мăандă бърлгънд онъган эс ѳгсн йовдл болджана. Загъсчирин хърлдăнъ элвăд, мăандăг голлад, мă ирхиг кўлăгънă бăадж, реюшксин болн бударксин звенос алыкаснь чигн уга ўлддгнь тер.

Прикаспийск загъсна комбинат загъс белдлгънă джилă зурагъан 110 процент, джилн

тўрўн ѳрăлин зураг 225,2 процент кўдăв. Эннь ик гидг кўч-көлснă дилвр. Загъсчирас загъс авч белдлгънă дѳрлдăнд, 461-ч моторта ѳрвнцин команд (капитан ўр Рогатин) джилктă ѳрвнцин команд (кормприемщик ўр Бембеев) хаврин соргин зурагъан давулдж кўдăв.

Болв, комбинатин флотин кѳдлмшт ик дуту-дунд харгъсиг ўр Щибланов темдглв. Комбинатин толгъачир, загъсч икър болджах цагт, флотин кѳдлмшиг цугинь 6-ч заводин директор ўр Манджиевд даалгъдж. Эннь ганцарн цуг эв-аргъиг олзлдж чадсми уга. Иим дуту-дундас кѳлтă, загъсч икър ўрад, тедниг йилгъхд болн дѳрлдăнă йовудт икър харшлв. Эс гидж колхоз болгън джилă зурагъан кўдăхнь лавта бăасми.

Джилн хойрдгч ѳрăлд 33 минъгън центнер загъс анънад, 27,8 минъгън центнер белдх кергтă. Тегăд чигн эн чинртă тѳр кўдăхин кергт района загъсчир кесг зўсн материалмудар тўрў харгъад бăасн бийнь, дѳрлдăг ѳргър делгрўлдж, савсанхан болн гѳлм-шўўгўлăн ясв.

Района загъсчир эн кўндтă болн чинртă тѳр кўдăдж, энъкр Тѳрскән эврăннь кўч-көлснă дилврър байрлулхднь магъд уга—гидж ўр Щибланов докладан тѳгскв.

Докладар кўиндвр гарад, терўинднь 11 кўн орлцв. Тедн дунд 63 наста загъсч Гердыков, загъсч Гайворонская, «Красный моряк» колхозин ахлач Готт, «Каспиец» колхозин ахлачин дарук Вашутин болн нань чигн улс босдж ўг келцхăв.

Хургт орлчачир хургтан района цуг загъсчирур дуудвр кегъад, темдгтă зура батлдж, социалистическ ѳдăн, ним даалгъвр авцхав:

1. Загъс анънлгъна джилă зурагъан эн джилн октябрин 1-д кўдăдж, 11 минъгън центнер загъс бърх.

2. Алдр Октябрьск Социалистическ революцин 41-ч джилн ѳбнд, джилă зурагъасн ўлў 15 минъгън центнер загъс бърдж, орн-нутгтан орулдж ѳгх.

3. Джилн хойрдгч ѳрăлин зураг эн джилн декабрин 5-д кўдăгъад, деернь немр 22 минъгън центнер загъс государствд орулдж ѳгх, терўнăс 10 минъгън центнеринь—«Каспиец» колхоз, «Красный моряк» колхоз—7 минъгън центнер, «Вторая пятилетка» колхоз—5 минъгън центнер.

4. Прикаспийск загъсна комбинатар джилн хойрдгч ѳрăлин загъс белдлгънă зураг—28 минъгън центнер, ноябрин 7-д кўдăгъад, джил чилл деернь немр 1.500 центнер белдх.

5. Загъсна эдл-уш гаргългъар джилн хойрдгч ѳрăлин зураг декабрин 5-д кўдăгъад, джил тѳгстл зура деер немр: загъсна кѳрггдсн эдл-уш—150 центнер, утгдсн эдл-уш—100 центнер ѳгх.

6. Загъсна консерв гаргългъна ѳрăл джилă зураг ноябрин 7-д кўдăгъад, джилн чилгч кўртл деернь немр: загъсна консерв—100 минъгън банк, томат-пюре—200 минъгън банк ѳгх.

7. Кедж гаргългъ эдл-ушунин ўшинь 1,2 процентд килврдўлх.

8. Джилн хойрдгч ѳрăлд 200 минъгън арслнь мѳнъг хоршах.

9. Джилн хойрдгч ѳрăлд зурагъасн давулдж 1 сай арслнь мѳнъгнă эдл-уш гаргълх.

Района загъсчирин совещаньд орлцен улс, Каспийск района кўч-көлсчир, мана Тѳрскнă цуг олн ѳмти мет, эврăннь авси социалистическ даалгъвр ан кўдăх ноолданд, кўч-көлснăннь гўджрлтар хърўцдж, мана орн-нутгт коммунизм тосхд терўгърн немр ѳгч, шунх гидж иткăд. Дагестанск АССР Комсомольск райог социалистическ дѳрлдăнд дуудв.

Дарунь загъсна промышленностин нўўрт йовх, шунмгъа кѳдлчир, КПСС-н обкомин болн танъгъчин кўдăгч комитетин Кундлгънă грамотсар ачлгдцхав, теднă кесгнь мѳнъгър болн ѳлг-эдър мѳрăлгдцхăв.

☆☆☆

Каспийск района загъсчир намрин соргт белдврăн кедж тѳгскăд, тўрўнь тенъгсур орадставной 47 шўўгл орм-ормарн тăвгддж одв. Тўрўн ѳдрин ашнь му биш, загъсчир пунктсур эклăд зѳѳгдджанă.

С-Г. ГОШЕНДАНОВ,
С. КУЗНЕЦОВ.



Тўрўн загъсчир пунктур ордж ирджăнă.